

雲岐子保命集論類要二



雲岐子保命集論類要卷下

濟生後粹方卷第十三

勞傷并治

大病差後真氣未全強行房事勞損督任二經故少腹裏急或引陰中急痛拘急熱氣上衝胃頭重不能舉目中生花脰拘牽兩足躄脉督任四經病可易取男子婦人褊燒之名燒褊散方在前陰證略例內

大病差後勞復身熱而煩脉微數無汗下證者枳實梔子湯主之有表則汗之有裏則下之

大病差後正氣尚虛不能施化水穀爲榮氣故腰下有腫當利其水行其氣宜牡蠣澤瀉散

大病新愈喜唾不休正氣尚虛胃中寒腎主液自入爲唾宜理中丸

大病新差久虛瘦少氣欲吐正氣不復也宜竹葉石膏湯

大病已解因食後微煩者正氣不能勝穀氣也穀氣與正氣相搏故日暮而煩減食則愈 若勞乎氣無力與精神者微舉之若勞乎血與筋骨以四物之類補之若勞在脾爲中州也調中可矣

諸證辨

水證

凡病表裏傷寒而口乾引飲水氣在內停而不散外有表證未除內有水者小青龍湯主之

表證外除裏有水氣不散者十棗湯主之

渴飲水證

與桂枝麻黃發汗之後脉洪大而渴者有三上中下有熱分二

藥所主而治之肺熱於上焦渴而飲水故上焦之渴白虎湯也熱在中焦胃熱飲水小便不利故中焦之渴豬苓湯也熱在下焦膀胱有熱而渴小便不利五苓散也

陽厥陰厥證

凡厥者厥陰也或脈見與不見併之陽明本胃中實口乾而渴欲飲水爲熱厥其人狂言妄語如見鬼狀雖熱不見脈伏於內也故厥深熱亦深厥微熱亦微併於太陰少陰之中大便自利身重惡聞人聲雖有狂言口乾而不渴此寒厥也雖脈沉者爲沉數也非沉遲也沉遲爲陰也

小便不利證

凡病小便不利者太陽之本也所併既異治亦不同併之陽明之本不利者下之則利不必五苓也

併之少陽之經而不利者和之陰陽和則利亦非五苓也  
併之少陰而不利者溫之則利亦非五苓也  
併之厥陰而不利者溫之而利亦非五苓也  
太陽標本自併而不利者則五苓散主之

發黃證

凡發黃有六有畜血有濕熱實有風濕熱虛有寒濕有結胃有痞氣

畜血發黃邪熱傳於太陽之本小便先淋而黃其人暴狂內有血也爲太陽發黃本病也

濕熱發黃太陰併陽明之本爲濕熱發黃而小便不利  
風濕熱發黃併少陽也 寒濕發黃太陰併少陰也  
結胃發黃附太陽也 痞氣發黃附太陰也

凡六者各隨脈證標本而治之大抵發黃從太陽陽明而論陽明屬胃太陰屬脾皆土也故見黃色當從其脾故脾病色黃土氣化濕非濕毒氣何能發黃又涼藥太過亦能生黃惟寒濕與此宜溫也

### 結胃證

結胃病邪氣動膈結於胃中故名結胃非標本傳變而有妄下而有也邪在太陽之標反下之邪熱乘虛內陷胃中結而痛甚熱而煩燥手不可近頭微汗際頸而還大陷胃湯

結胃皆項強如柔瘥狀邪氣結於內柔瘥多汗結胃自汗陷胃丸小結胃按之實痛心下微硬脈浮而滑小陷胃湯

### 三證結胃皆日晡潮熱

結胃微熱者水結胃也必謹察之無令妄治

痞氣證

痞氣按之軟而不痛寸沉關浮而有熱者大黃黃連瀉心湯

傷寒汗下後身寒痞滿而嘔食飲不下脉微按之不痛非柴

胡證宜半夏瀉心湯

傷寒發黃於陰反下之後心下痞而惡寒自汗脉遲者附子

瀉心湯

傷寒汗下後聞食不欲食自利腸鳴而心下痞滿者生薑瀉

心湯

傷寒汗下後心中痞大便硬又下之道氣上衝大便復硬也

胃氣虛故也當和胃氣甘草瀉心湯

虛煩證

虛煩爲汗之後有之也汗虛其表下虛其裏表裏俱虛陰陽氣

爭故煩而不得眠神志不安心中懊懣故曰虛煩各變以象應之

汗下後心中懊懣頭汗出煩而不得眠心中微結而痛者梔子豉湯主之

傷寒醫以丸藥下之身熱不去裏不結微煩而不得眠者梔子乾薑湯主之

傷寒汗下後喘而不得眠者梔子豉加杏仁二十枚主之

傷寒汗下後咳嗽而煩不得眠者梔子豉加人參芍藥各五錢主之

傷寒六經諸證

凡發表皆太陽也邪初傷皮毛腠理太陽經行身之後爲表之表故可發汗



太陽非頭痛項強不可發汗 非身熱惡寒不可發汗

非脉浮不可發汗

陽明凡發熱蒸蒸發熱翕翕發熱皆不惡風可解其肌

少陽往來寒熱可和解之凡此三者皆標病經病故外則從太陽內則從陽明陽明主胃胃者水穀之海諸經本傳至陽明而不傳也

非陽明之本不可下陽明本病胃家實故也

非痞滿燥實不可下

非潮熱發渴不可下

非罵詈不避親疎不可下

非脉沉數不可下

非棄衣而走登高而歌如見鬼狀不可下

非少陽不可和雖有太陽而見少陽一證便可和之不必悉具

非往來寒熱不可和

非脇肋急痛不可和

非胃滿而嘔不可和

非脈緩者不可和

非太陰不滿滿者痞氣也因安下傷胃內損穀氣脾胃既衰不能行氣於四藏結而不散故爲痞故非太陰無痞

非太陰不自利

非太陰腹中無虛滿

非少陰而不溫足少陰腎本寒故也

泄瀉下重腹痛少陰也

身寒拘急少陰也

足脛寒逆少陰也脈浮而微故溫之也

非厥陰而不逆胃虛寒氣逆於上厥陰也

四肢厥冷身寒者厥陰也

邪在三陰少陰證多邪在三陽太陽證多

兩感傷寒證

兩感於寒不治者表裏俱傷標本皆病故知不治外則腠理不

閉榮衛不能守衛氣不能護內則大小便不禁穀氣不能榮養少氣脉微而欲絕者故不治

有兩感可治者感異氣也使表中風內傷於寒可治

表中於濕內傷於寒可治 表中於熱內傷於寒可治

當切脉逆從以知吉凶兩感之邪三陰三陽皆有之脉從陽可治脉從陰難治陽生陰死此之謂也

關格病

陰陽易位病名關格胃膈已上陽氣常在熱則為主病身半已下陰氣常在寒則為主病寒反於胃中舌上白胎而水漿不下故曰格格則吐逆

熱反丹田小便不通故曰關關則不得小便胃中有寒以熱藥治胃中之寒丹曰有熱以寒藥治丹田之熱胃中有寒上

下之法治主當緩治客當急尺寸反者死陰陽交者死關格者不得盡其命而死矣

傳變諸證并方

傷寒汗下後熱結胃中者宜**桔梗連翹湯**

桔梗

連翹

黃芩各二兩

薄荷

甘草

川芎

各伍分

梔子壹分

右剉細每服一兩水三盞煮至一盞去滓溫服

傷寒汗下後熱結胃中大便澀微小便赤者宜**黃連梔子湯**

黃連

梔子

黃芩

大黃

四味各五分

右剉細每服壹兩水三盞煎服

傷寒後心風狂妄者宜**防風黃連湯**

黃連

大黃

防風

遠志

茯神

五味各半兩

右劉細每服一兩水三盞煎服

傷寒汗下後頭痛起目眩者宜獨活湯

防風 獨活 旋覆花 當歸 四味各七升

右劉細每服七錢生薑同煎

傷寒汗下後腹中時痛小便清者芍藥乾薑湯

芍藥 乾薑 白朮 桂枝 四味各半兩

右劉細每服五錢生薑同煎

傷寒熱病後頭痛不止石膏川芎湯

石膏 川芎 二味各一兩

右爲麤末每服五錢水煎服

傷寒汗下後頭痛不止不可再發汗石膏湯

石膏 葛根 麻黃 各五 黃芩 芍藥 甘草 各七

右劉細每服七錢生薑同煎

傷寒汗下後餘熱不退或煩或渴面赤者

**人參散**

人參

梔子

藍葉

甘草

白鮮皮

各半兩

右劉細每服五錢水煎服

傷寒汗下後熱不除而渴者

**人參知母散**

傷寒汗下後裏急後重下利者

**七宣丸**

大黃

一兩

桃仁

十二個

木香

五分

檳榔

五分

訶子皮

五分

右爲細末煉蜜爲丸如桐子大每服五十九溫水下

傷寒汗下後大小便利自利腹中痛者

**燃腸丸**

附子

一個

龍骨

半兩

乾薑

一兩

吳茱萸

半兩

米殼

半兩

阿膠

半兩

右爲細末酒糊爲丸如梧子大每服三十九溫水下利止勿服

傷寒汗下後喘咳不止恐傳肺痿**補肺散**

人參一兩 五味子五 桑白皮二兩 款冬花 蛤蚧一對

右爲細末每服五錢沸湯一盞調服

傷寒汗下後咳嗽肺虛聲音斯敗者**阿膠散**

薯蕷一兩 阿膠一兩 人參一兩 五味子一兩 麥門冬一兩

白朮一兩 乾薑三 桂枝五 杏仁三

右剉細每服七錢水二盞入烏梅一錢同煎服

傷寒汗下後喘嗽煩燥氣滯膈邪氣逆者**桔梗湯**

桔梗 桑白皮各二兩 甘草 貝母 阿膠各五

右剉細每服五錢水二盞入五味子烏梅肉各一錢同煎

傷寒汗下後足腫有濕氣不除者**木通散**

木香 木通 檳榔 獨活各一兩 丹參七

右劉細每服五錢水煎服

傷寒汗下後飲食不入而逆氣者胃氣虛故也**枳實理中丸**

仲景有方陳皮湯下

傷寒汗下後氣逆利不止者寒也枳實芍藥乾薑甘草湯

芍藥半兩甘草半兩枳殼半兩乾薑半兩

右劉細每服五錢水煎服

傷寒噫氣者何氣使然者曰胃中氣不交故也少陰經至胃中

交於厥陰水火之相傳而有聲故噫氣也**如聖加枳實湯**

甘草 桔梗 枳實炒二味各五分

右劉細每服五錢入五味子半錢水煎

傷寒氣逆而其無汗下證**如聖加吳茱萸湯**

甘草 桔梗 吳茱萸炒五分



右劉細每服五錢入五味子半錢同煎

傷寒汗下後喘而噫氣者如聖加人參藿香杏仁湯

甘草

桔梗

人參

藿香

各五

杏仁

三個去皮尖

右劉細每服五錢水煎

汗下後動氣在左右上下證

傷寒汗下後臍左有動氣者防葵散

防葵

一兩

木香

五錢

柴胡

黃芩

各半兩

右劉細每服五錢水煎

傷寒汗下後臍上有動氣者枳殼散

枳殼

五錢

赤茯苓

兩

當歸

一兩

京三稜

炮

一兩

木香

五錢

訶梨勒

五錢

右爲細末每服五錢沸湯點服